

Zeitschrift: Nebelspalter : das Humor- und Satire-Magazin
Band: 78 (1952)
Heft: 26

Illustration: Herr Sinnreich [...]
Autor: Schär, A.

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 14.01.2026

ETH-Bibliothek Zürich, E-Periodica, <https://www.e-periodica.ch>



A. Schär

Herr Sinnreich: „Sehr schön hat er das gebracht, unser Herr Pfarrer, dieses: Wer unter Euch ohne Schuld, der werfe den ersten Stein.“

Frau Unfehlbar: „Jawoll! Und hoffetli häts d'Hueberi gschannt wer gmeint ischt!“

Es Baselbieter Gschichtli vo dr Helene Bossert

Chirsischtei...

Der ‚Gründe‘ Chrischte isch e Ma gsi wo gwüßt het z meischeriere. Und deis noim alte Schrot und Chorn. Potz Dunnerschieß abenand!

Sy Frau, z Vreni, het er wäger nit uf de Hände dreit. Es Dotzet Chind uf d Wält z schtelle isch nit gfätterlet. Feufi dervo synim zwar gschtorbe. s isch ene so vill Ruuchs erschap bliibe.

s Vreni isch fryli e seelegueti Frau und Muetter gsi. Aber ebe, der Vatter ... Es' und d Chind heinin meer gförchtet as gärn gha. Gschafft het er woll wienes Rof, und d ‚Gründe‘ het er in d Hööchi brocht. Er isch e muschtergültige Landwirt gsi und me het in zu de Haabselige zellt. Aber es gfreuts Läbe isch uf dämm Hof nit gsi. Jedes Freudeli wo het welle bchyme, het er vertrapet. Nie keis guets Wort ... Vom Morge bis Zobe, tagy, taguus, eis kuniere. Näbe syner Meinig het er kei anderi doolet. s häft si jo keis vo syne Chinde sellen underscho und iim ummemuule. Es Wort — und scho häfts die lätzi Hand ufs Muul

gha. Do het me müesse ufs Mul hocke und si duppe.

Emol — s isch in der Chirsizyt gsi — het der Fritz und s Emmeli, e Ladig Chirsi uf Baan müese ferge. Si sy grad in ergschte Rummel ynegrote und hei halt wool oder übel müese göue, bis men iiri War abgefertiget het; derdur sy si schpöter zum Znachtässe cho. Die andere hei ämmel scho ne Rung gässe gha. D Muetter het ene aber es Becki voll Chirspfäffer und e Hafe voll Kaffi in d Chouscht yne z Wermi gschteilt. Wie zwe hungerigi Dröcher hei se si an Tisch gsetzt. D Muetter het no jedim e Wämbbe Brot näbes Kaffiblättli gleit. Vor allim aber hei se si am Chirspfäffer vernueferet. Dä het enes chönne! Si hei zümfing hindere biige. Aß ämmel s schön Wätter hebt, hets Emmeli mitime Schniifeli Brot no s Becki suufer uusputzt. Näbe beede Kaffiblättli isch es Hübeli Chirsischtei gläge.

Uf der ‚Gründe‘ isch das süscht nit Bruuch gsi. Me het d Schtei allewyl

gschlückt. Aber sälben Obe isch das emol nit der Fall gsi. Aß die zweu Chind es bsunders Zügli gmacht hei, het ebe syni bschtimmte Gründ gha.

Si hei sälben Obe im Dorf unde ghört verzelle: s ‚Huusmatt‘ Bethli heig ins Chrankehuus müese; s Chrankenauti heigs gholt. s heig d Blinddarmentzündig und deis allwäg vom Chirsischtei schlücke.

D Blinddarmentzündig ... Chrankehuus ... Nei, numme das nit! Lieber vo jetz a d Schtei uusemache. Wenn numme der Vatter nit weer ...

Aber dä Obe het ers ämmel nit gsee. s Emmeli het grad s Gschüir zäme-gschteilt und mit der Hand d Chirsischtei in die leeri Platte welle wüsch, do schnellt d Chuchitür uuf und der Vatter schtoot in der Chuchi.

«Was dampet dr eigetlig so lang!» schnautzt er sen a. Syni Auge sy räubsch ... Und jetz erlicke si d Chirsischtei ufim Tisch. E Hufte Chirsischteil!

Das het jetz grad no gfeelt. s Für isch im Dach!

Er macht e Schriff gege ne Tisch und brüelt sen a: «Was isch das füre neu Mode uf der ‚Gründe‘, he?»

Im Fritz verschlipft fascht s Kaffiblättli won er het wellen ewäggruume. s Emmeli wird chrydewyl ... Verdatteret saits: «s ‚Huusmatt‘ Bethli het ...»

Jetz schtoot der Vatter am Tisch. Sy Schtimm isch wienes früschgshliffes Mässer; syni Auge wie Boorer ...

«Was isch mit deme Chirsischtei do?» s Emmeli will ims erkläre: «Si hei im Dorf unde brichtet, s ‚Huusmatt‘ Bethli heig ...»

Do chunnt im der Fritz z Hülf: «s ‚Huusmatt‘ Bethli het d Blinddarmentzündig. DLüt hei gsait ...»

Wyter chunnt er nüm. Der Vatter lot in jo nit uusrede. Das cheem jo nit uuf. Nei, er rätzt mit de Zehne ... DELLböge gschteilt, chunnt er uf syni Chind zue. — Der Fritz isch im Früelig kumfermiert worde und s Emmeli chunnt übers Joor us der Schuel. — Si chönnen im nit entrünne. Er nimmt sen amene Ohreläppli und schüttlet se wiene Pfluumebaum. DOhre sy zündrot. Es wird ene trümmig ... Aber keis macht e Mux. — Er git ene e Rang. s überschteilt im fascht d Schtimm.

«I will ech scho derfür due! Do allemarsch, hocket mer zue und schlücked mer die Schtei. — Jowoll! — Wirds bald? — Mues ech öbbe no noehälfe? — Dr chömmet mer nit vom Tisch ewägg bis der letscht Schtei dunden isch. I will ech Moris lehret!»

Breitschpurig — mit hindereglitzte Hemdsermel — s Gsicht wie eine wo bsässen isch — isch der ‚Gründemer‘ oben an Tisch ghockt und het si an de Chinde gweidet. Er het gwartet bis der letscht Chirsischtei abegworget gsi isch. s verschtoot si: Di leere blutte Schteil!

Was macht me nit alles in der Angsch und weme derzue trybe wird? —

Ob das aber gueti Frücht abdreit ... I weiß bigoscht nit. Allwäg chuuum.